

Protocol della fiasta della Romania, ils 22 de sett. 1929 a Mustér

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **22 (1930)**

PDF erstellt am: **25.06.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

intensivamein en num e senn della Romania. Quod sit: Prender relaziun cun ils differents umens de confidanza ella Foppa e Lumnezia. Organisar referats e defender ils interess dil romontsch puncto lungatg sin vischnaunca. Quella idea vegn realisada primo ella Foppa, silsunter reconstruida en Lumnezia e lu ella Cadi..

2. Sgr. scol. Nay presenta il complet manuscret dil cudischet de canzuns: «Rosmarin». Ina declaronza personala sur dil Rosmarin cuntenta compleinamein tuts presents. Squetsch tier stampa Casanova a Cuera en 2 500 exemplars de ca. 60 paginas.
3. Sco referents tier la radunonza populara ein prevedi ils sgrs.: Rev. sgr. P. Maurus cul plaid festiv, sgr. pres. della Romania cul plaid d'aver-tura e sgr. Dr. Condrau cul plaid de conclusiun.
4. L'organisaziun ha sgr. Dr. Condrau surpriu.
5. Il requiem tegn rev. sgr. can. Brugger cul riug usitau.

Protocol della fiasta della Romania, ils 22 de sett. 1929 a Mustér.

La stupenta fiasta bein organisada e favorisada d'ina fina bial'aura d'atun pren sia entschatta gia alla staziun. La musica intonescha in toc de fiastas ed en retscha sgolatschan las bandieras dils mats, dell'academia rom. il «Curtin» e della Ro-

mania encunter il curtgin cumin, salidond la rimnada dil pievel romontsch.

Sgr. cand. med. G. B. Giger arva e beneventa la radunonza entuorn la buora cumin cun plaids marcants e plein idealismus pil lungatg mumma.

Rev. P. Maurus plaيدا en sia amicabla moda sur dils «Retoromans, lur olma, lur casa».

Sgr. Dr. Condrau ha cungiu la radunonza populara sin curtgin cumin cun engraziar alla Romania per quei stupent cumin romontsch. Eloquents sco buc in secund characterisescha el il cumin della Cadi, siu spért de libertad, sia stretga uniu culla claustra e siu character spirontamein romontsch. Quels treis referats che han purschiu ton bia a scadin participont san vegnir legi ella Gas. Rom. dils 26 de sett. 1929.

Finida la fiasta sin tiara historica, serendan las sgolatschontas bandieras, circumdadas de students en colurs e dil pievel romontsch encunter il «Hotel della Posta», per leu continuar la secunda part. In bi ed edificont maletg, co pur ed academicher porschan amicablamein il maun in l' auter, ton leu sco la sera el «Hotel della Cruna». Ei me-nass memia alla liunga de registrar e descriver tut ils interessants referats; quels san vegnir legi ellas numeras 39 e 40 della Gas. Rom. de 1929. Ella Posta ed ella Cruna han priu il plaid ils sequents sgrs.: cus. naz. Dr. Bossi, cus. gov. G. Huonder, prof. Dr. Tuor, Dir. E. Bezzola, scol. sec. M. Nay, Dr. G. Willi, Dr. R. Vieli, Dr. G. Condrau, mistral

V. Berther, Sur can. Brugger, Sur prof. Aug. Giger, Sur Pl. Sig. Giger e Sur Carli Fry. Differents amitgs absents han allegrau e salidau la Romania cun telegrams, aschia la Societa retoromontscha, l'Uniun Renana e la Ladinia.

Suenter haver passentau ina fritgeivla sera romontscha en connex culla compagnia de mats, la quala ha entras musica e cant purschiu stupentas producziuns, ei la radunonza vegnida concludida officialmein allas 12.

Gliendisdis suenter il requiem ed edificont riug de rev. P. Maurus ein ils commembers seradunai el «Hotel Lucmagn» tier las usitadas tractandas.

1. Il protocol vegn prelegius e buc approbaus, contenend aunc differentas errurs. Igl actuar regent en connex cun red. de Tschespet ed Ischi vegnan incaricai de scursanir e completar.

2. *Rapport della cassa:*

Sgr. scol. Simonet dat il sequent rapport:

Bilanza: Senza inventar: deivet	2,383.13 frs
Cun inventar: activa	1,822.87 frs

3. *Revisurs de quen:*

Sin giavisch dils revisurs de quen sgr. Dr. Willi e Dr. Aug. Cahannes vegn il rapport dils quens, il qual Cahannes ha muort assenza dau en scret publicaus el cudisch de protocol sco suonda:

Ils suttascrets attestan cheutras de haver controlau ils cudischs de cassa, de schec postal e de renda quen, concernent ils quens digl onn 1928/29. Els han saviu constatar, ch' ils quens

seigien vegni menai bein ed exact e ch' els sesanflien en bien uorden. Els recamondan alla radunonza generala della Romania de vuler approbar ils quens digl onn 1928/29 cun admetter al sgr. cassier, scol. Simonet per sia gronda breigia e lavur in bien engraziament.

Ils suttascrets selubeschan de far las sequentas remarclas, concernent il resultat dils quens ded onn:

a) La facultad della Romania ei uonn sesminuida per 2,200.25 frs. 1927/28 demussava la bilanza ina digren de 1,680.90 frs. Quella digren ded onn ei stada caschunada entras la voluminuosidad digl Ischi XXI. e dil diember excessiv d' exemplars dil Tschespet VIII. Sco ina speciala calculaziun dil cassier muossa: per igl Ischi eis ei calculau in deficit de ca. 1,200 frs., ferton ch'igl ei de spetgar dagl esit dil Tschespet VIII. ina sminuaziun della facultad de ca. 600 frs.

Senza vuler minimamein sminuir gl'entusiasmus per nossa cara viarva stuein nus remarcar cul Tuetschin: «Sch' ei va aunc ditg usché, sche va ei betga ditg usché pli». La medema remarca havein nus giu fatg igl onn vargau cul resultat, che la digren della facultad ei stada uonn varga 500 frs. dapli che onn. Nus lein supponer ch'igl ei stau in fin presentiment dil prezios e beinvegnu agid financial, ch' il legat Cadonau vegn a purtar,

speranza era alla Romania per il temps futur.

b) La bilanza muossa in activ della facultad de 1,822.87 frs. Denton mo cun prender risguard sin gl' inventar d' Ischis e Tschespets buca vendi d' annadas anteriuras. Senza calcular, la valeta de quels cudischs havessen nus sco resultat in passiv de facultad de 2,382.13 frs.

Ils rev.: Aug. Cahannes e Dr. G. Willi.

Suenter la prelecziun de quella brev ei surgida ina viva discussiun davart «Ischi e Tschespet». Sgr. Dr. Willi pretenda gia ordavon ina calculaziun dellas expensas dils dus organs. Tgi che vul buca setener vida quei fixum deigi purtar sez las spesas survargontas. Sgr. Dr. Tuor lauda igl idealismus de procurar per cudischs, cun la remarca che suenter gl' ideal stoppi il realismus lu era far il pass mo suenter la comba. Negins comites e negins redactors astgien decider enzatgei davart volumen e diember de Tschespet ed Ischi, sunder sulettamein la radunonza generala. El formescha sia opiniun sco suonda:

In auter onn astgan Ischi e Tschespet buca survargar 12 bogas. Ischi buca 1200 tocs, Tschespet buca 1600 tocs, num che subvenziuns davart exteriura lubeschien de vargar quels confins.

Sin giavisch fa sgr. Dr. Condrau la calculaziun d' ina boga sin 140 frs. cun spesas de spedi-ziun etc., declarond ch' il redactor digl Ischi sgr. prof. Vieli ed il cassier della Romania sgr. scol. Simonet hagien rimnau cun gronda breigia e stenta

inserats pigl Ischi en valeta de 800 frs. Ina caussa per la quala nus remettein ad omisdus cun renconuschientscha in special engraziament.

Sgr. prof. Dr. Cahannes porscha las «bogas» stampadas dil Tschespet che vegn a comparer en cuort. El va buca d' accord davart il diember fixau dil Tschespet, menzionond ch' il Tschespet seigi buca mo organ della societad, mobein in cudisch per sesez cun in tetel unitaric, che duessi per quei vegnir stampaus en in tal diember, ch' el savessi duront circa 10 onns vegnir cumpraus el negozi. El spera fermamein, che subvenziuns da vart exteriura (legat Cadonau) ed era ina pli intensiva propaganda de vendita vegnien a far pusseivel de restar tiel diember contonschiu.

Era nies premurau P. Maurus plaida per dar ina raschuneivla libertad als auturs ed allas redacziuns. El vul era seolver alla Fundaziun Schiller per agid. Sur Carli Fry plaida el senn de prof. Tuor.

Ina contraproposiziun ei buca vegnida fatga, ella speronza che la secunda part della proposiziun Tuor vegni ventireivlamein ad annular l' emprema.

4. *Rosmarin.*

En assenza de sgr. scol. Nay dat sgr. prof. Dr. Cahannes in cuort rapport dil cudischet de canzuns Rosmarin. L' emprema «boga» ha gia giu siu success sin la fiasta. Il cudisch complet compara en circa 4 jamnas. Il cudischet ei tenor cuntegn oravon dedicaus allas compagnias de mats. En outras radunonzas vegn ins, enten ele-

ger las canzuns ch' ins vul cantar, a prender il dueivel risguard dil publicum present.

5. *Uniun della Foppa.*

Sgr. red. Demont vul in' executiva: Acziun romontscha en vitg e vallada. Radunonza dellas compagnias de mats cun referats. Sgr. red. Demont vegn incaricaus de realisar siu plan per uonn ella Foppa e lu sin la proxima radunonza generala dar in rapport.

6. Ei vegn giavischau, che sgr. Dr. Willi resti revisur de quens cun la levgera ch' ils quens vegnien tarmess ad el dal cassier 15 dis avon la radunonza generala.

7. *Commembers honoraris.*

Rev. Sur Benedetg Venzin, plev. Breil. Sgr. col. M. Cahannes, Dardin.

8. *Sco representants della L. R. vegnan elegi*

ils sequents sgrs.:

Sgr. red. Dr. Condrau, Mustér, sgr. prof. Dr. Cahannes, Cuera, sgr. prof. Dr. Tuor, Bern, sgr. Dr. Willi, Cuera, sgr. Dr. Caluori, Cuera, sgr. prof. Soliva, Cuera, cand. phil. G. Gadola, Mustér, sgr. scol. Maissen, Cuera, (Hof), sgr. G. Baselgia marc., Cuera, sgr. G. Caplazi empl. de banca, Cuera, ed il pres. regent della Romania.

9. Alla compagnia de mats de Mustér declara sgr. red. Condrau de dar enzatgei, essend las finanzas favoreivlas, ord il budget della fiasta. Bien engraziament per sias breigias.

10 *Elecziun dil comite activ:*

Pres. Giachen Berther, theol., Mustér/Cuera.

Vicepres. Emmanuel Huonder, stud. jur.,

Mustér/Friburg.

Actuar Fidel Cadalbert, theol., Rueun/Cuera.

Varia.

a) Sin giavisch de sgr. cand. phil. G. Gadola publichescha la Romania suandonta resoluziun:

«La Romania, per raschun de simplifica-ziun e respect d'ina veglia izonza, recamonda a ses commembers ed agl entir pievel romontsch sursilvan de dar ed acceptar, a buca ed en scret, sco pronom de curtesia il «Vus» enstagl de «Els ed Ella».

b) Sco liug festiv pigl onn proxim vegn fixau Breil.

c) Silsunter han ils activs discussionau davart l'organisaziun della veta studentesca entras ina radunonza de primavera. Igl ei vegniu concludiu de star tiel vegl e che in e scadin s'obligheschi moralmein de prender part della radunonza generala d'atun.

Fin dellas tractandas all' 1 s. m. d.

Rapport dell' academia «Il curtin» a Mustér.

Diesch onns ein gia spari dapi che l'enfiarla digl Ischi ei vegnida plantada sin tritgeivel terren claustral, diesch onns ein vargai dapi che nies